

宋朝大詔令集

宋朝大詔令集卷第四十二

宗室二

封拜二

皇叔允初開府儀同三司檢校司空同中書門下平章事

德軍節度使加恩制

嘉祐八年四月十二日

門下承祧繼體所以正神器之傳建屏䟽封所以隆磐石之故興言  
涼德獲奉丕基矧踐祚之始初有推恩之典故盍申乎號庸示眷私  
皇叔推誠保順守正翊戴功臣感德軍節度耀州管内觀察處置等  
使特進檢校尚書右僕射使持節鄜州諸軍行軍耀州刺史兼御史  
大夫上柱國天水郡開國公食邑六千九百戶食實封一千八百戶  
允初時之懿親屬在仲父淳固之性得之自然明清厥修介乎無撓  
惟先帝之甚愛在沖人而敢忘改領軍麾升服公衮進階遷秩陪賦

衍封於戲藐爾孤莸未堪多難尚茲信睦於變時雍惟宗吳彌懋於  
遠猷庶前烈愈光於來裔可

皇伯允弼檢校司徒兼中書令護國軍節度使東平郡王

加恩制

嘉祐八年四月  
十二日同上

門下國家膺累聖之圖成中天之運重惟非德之嗣惕若先猷之承  
仁恩滂于萬方親厚始於九族有如伯父實曰賢玉宜因涓日之嘉  
誕布告虔之渙皇伯推誠保順同德亮節守正翊戴功臣武寧軍節  
度徐州管内觀察處置等使開府儀同三司檢校尚書左僕射兼侍  
中行徐州大都督府長史上柱國北海郡王食邑一萬四千戶食實  
封三千八百戶允弼氣和而履順資正而行恭源流發於天淵本支  
茂於邦幹推河間之學務勤詩禮之閒蹈宣父之言思長富貴之守  
服我文考冠於內朝以宣夾輔之勤以董宗盟之事帥壇命節既專

仗鉞之行帝蹕陪輿又罷冠蟬之飾肆昭休於丕緒首旌德於茂親  
進階右相之尊視秩三卿之貴尹虞郊之舊俗裂汶土之典封蓋以  
爰田衍之真賦褒隆邦揚美協師謀於戲念祖宗之基固起艱難之  
迹維骨肉之分敢忘教睦之懷勉迪順猷永綏多福可

皇伯允弼授依前東平郡王加食邑寶封賜功臣制

治平

門下朕承初陽之序建大祀之儀親祫老主始見清廟夙駕齋路肇  
禋紫營有昊博臨賜朕純嘏於時日景溫霽坤倪肅清遠獨照事之  
成敢後茂親之獎皇伯其官某性殆謙忘體函忠醇丕擁皇支之祥  
俾為藩戚之表量我宗正爰惇叙族之賢昨之東平蓋符樂善之美  
此先帝之加遇而沖人之用欽會華玉之展祠被溫韶而在位未有  
神明接而福吳享親賢隆而教靡尊是用孚慶第勞集功錫號時其  
多邑衍以真祖羊為寵章以渙惠術於成躬天地之報既靡靈顯之

私廣骨肉之恩用萬人倫之愛性絃吉祿永懋休聲可

宗僕除使相制 治平四年五月庚子

朕膺符赤伏之靈繼序炎精之烈圖本支之盤據倚形勢之扶維繫  
我宗藩推尊帝室雅懋帥旄之寵未參公衮之華乎告大廷誕歌願  
命皇伯彰德軍節度相州管内觀察處置等使金紫光祿大夫檢校  
右散騎常侍使持節相州諸軍事相州刺史兼御史大夫上柱國濮  
國公食邑三千四百戶食實封六百戶宗樸器涵庶靜德履端純澤  
島望以高鶩奮雅才而獨秀玉符傳瑞拜之上將之壇金輅啓封昨  
以先王之國載涓剛日特峻彝儀秩兼揆路之榮位協宰廷之貴衍  
甄真實增煥隆名於獻盟載冊書尚推同姓之長賜均寶玉况如伯  
父之尊立愛自親承流及遠揚成美化勉著休聲可特授檢校尚書  
左僕射同中書門下平章事使持節相州諸軍節度相州刺史濮國公

充彰德軍節度相州管内觀察處置等使加食邑七百戶食實封三百戶

皇伯祖承亮授檢校工部尚書榮國公感德軍節度使加食邑實封制

門下蓋周興建土遂膺年麻之長秦失罪侯靡復藩維之援此國家所以監用佳制封榮茂姻以夾輔於王家以懷柔於天下肆膺皇緒渙舉丕彝皇伯祖具官某躬耆德之英被忠訓之厚曾無車服珍寶之玩固有詩書道術之明稽帝克之仁疇光骨肉之愛顧素悼之後不減祖宗之眷自居留務之榮浸廣皇支之譽按戊午之新澤合南陽之近親華萼承附雅樂和於列邸犬牙交壤寄雄峻於帥旆旣衍爰田之封又陪真食之入勅建大統圖繫老成於載積厚者流長維本神明之祚德隆者壽重况如宗族之賢均履多祥勉欽渥命可

皇伯宗弼授光祿大夫檢校尚書左僕射同中書門下平  
章事統國公集慶軍節度使加食邑實封制

神宗即位

門下朕慕臨丕基秋萬前烈蓋義尊序祖愛因隆於六親治刑於家  
風遂行於四海通緣曠澤先暨皇支皇伯具官某罷介而用道體莊  
而資裕多裕天下之誼盡讀河間之書考潤邸之藩誰及宗英之望  
追濮園之舊實猶子愛之深比旌拜於師壇允夾隆於王室慶屬皇  
圖之啓惠如同姓之褒其股大僚以即台路易以近藩之節陪之多  
邑之附雖本與恩亦稽先矩於職唐封近屬惠留京師之居漢寵諸  
王少在公卿之列維是高華之保莫如法度之脩矧屬英懷詎煩至  
戒可

皇伯宗模授光祿大夫依前檢校尚書左僕射同中書門  
下平章事充彰德軍節度使加食邑功臣制

熙寧郊

門下郊廟大事也禮莫或於躬行天地一功也義蓋尊於合祀朕蓋奉先之孝嚴反始之文既獲能饗之名以要三神之願又膺無窮之祀以決四海之歡矧我茂親敢稽渙命皇伯具官某德莊而氣粹性靖而量夷系出帝者之本支多閱天下之義理慕二獻之學自樂詩書之閑聯三事之榮靡格富貴之守屬至景之末序即圉丘而昔禮績佩無諱夙助齋居之恪明墨致潔屢陪獻禮之升維釐事之肅成方勞思之誕舉雖無崇鼎分冠之揚亦有濮田多井之加既益統於功臣復進階於文散以華邦族以變民雍於戲聖人因親必廣同宗之愛賢者奉祭宜蒙百順之休其迪善猷永有吉祿可

皇伯宗旦除崇信軍節度使判

熙寧二年九月

舜叙九族之親實先慎厚周封同姓之國遂底威彊眷言近屬之尊稽用前王之故庸加優拜誕告治朝皇伯鎮潼軍節度使觀察留後



金紫光祿大夫檢校右散騎常侍使持節華州諸軍事華州刺史兼  
御史大夫知大宗正事上柱國天水郡開國公食邑五千一百戶食  
實封一千七百戶宗旦德度是英才資兼茂襲世緒而克篤其慶處  
首胄而不流厥心而自表正宗藩居留後鎮聞天下之理蓋為精明  
推門內之恩見稱友睦爰舉陟明之典遂推樂善之風自漢以來惟  
隨為大楊之瑞節行以真封考于舊章時曰異數於戲孟戒者處寵  
之道鮮矣者惟約為然往其欽哉以永終譽可持授依前檢校右散  
騎常侍使持節隨州諸軍事隨州刺史兼御史大夫知大宗正事崇  
信軍節度隨州管内觀察處置等使加食邑七百戶食實封二百戶

皇伯祖承亮特授依前檢校工部尚書光感德軍節度使

改封秦國公餘如故制

熙寧三年六月十八日

門下國家世承燕謀天祚明德乃眷祖宗之裔未正封爵之科豈朕

所以上隆尊統之風下形悖族之愛肆考厥典載謀有司其盼顧冊  
之書以孚羣位之聽皇伯祖推誠保順功臣感德軍節度使耀州管  
內觀察處置等使金紫光祿大夫檢校工部尚書使持節耀州諸軍  
事耀州刺史兼御史大夫上柱國榮國公食邑八千四百戶食實封  
二千六百戶承亮廣陵之嗣昭武之孫系出帝者之本支多闕天下  
之義理安處榮善匪卑服能修其心夙興奉朝雖風雨不渝其節故  
宗族仰其循則神明相之高年屬榮建於近親方按求於故壤自靡  
而右奄有土疆之長如麟之時更旌信厚之履以應古之道法以率  
民於至仁於歲廣同姓之封大為屏藩之固親威德之世永保子孫  
之休益茂英猷尚對嘉命可

皇伯從式保康軍節度使制

熙寧四年七月乙酉

分王于國周以廣同姓之恩設壇於軍漢以憑上將之禮朕悖叔天

屬俄圖考成稽用龜獻之良菴言麟應之厚誕醜褒典播告治廷皇  
伯彰化軍節度觀察留後金紫光祿大夫檢校右散騎常侍使持節  
涇州諸軍事涇州刺史兼御史大夫上柱國安定郡王食邑五千五  
百戶食實封二千四百戶從式經哲秉彜體和履順閱義理之衆忱  
恂自得於性皆奉法度之中奇衷不接於心術卿推朝決奄徹王封  
載惟使務之留未侈宗支之寵宜崇異敘越進元戎服授儀之輝華  
增莖茅之顯重教加井賦衍食戶租於錢懷王業之艱永荷祖宗之  
烈念藩翼之術賢賴伯叔之賢維圖壯獻迄稱休命可特授依前檢  
校右散騎常侍使持節房州諸軍事房州刺史兼御史大夫安定郡  
王充保康軍節度房州管内觀察處置等使加食邑七百戶食實封  
二百戶

皇伯祖允弼授依前北海郡王加食邑實封功臣判

熙寧  
宗祀

門下朕肅膺致命懋述先猷思所以廣嚴父之孝昭事神之道而令  
宮寢制太微崇饗且呈祐之謙猶參百靈之從故辛亥之獻獨尊上  
帝之配相我大事時惟茂親休有寵章格於公聽具官某性資英邁  
檢履淳固天發神明之裔世資忠厚之德每伏謁禁朝運休燕室進  
退亦有常處紛華而無留心考公子之詩既協閔睢之應受王者之  
社遂荒徐郊之封維先甲大禋大宗量屬鳴佩結玉以深齋戒之思  
重賜薦席又陪陟降之恪至精以奉神德強立以統禮成詳稽陝典  
之常表錫功號之美胙之多邑衍之真賦且明宗周異姓之後兼懋  
帝堯九族之和於戲福祿之臨有若周陟之固急難之儆莫如兄弟  
之懷茲庸展親其往迪訓可

宋朝大詔令集卷第四十三

宗室三

封拜三

皇伯宗堦加恩制 郊祀

門下朕載禋紫壇先見清廟舉崇飴燎以格上帝之歆歸祚受登以  
孚同姓之受越教丕統中詔大廷皇伯具官宗堦莊重醇深簡溫直  
亮傳謀彝典奉徇色之珣戈視秩表衣賜祥侯之赤烏屬我園丘之  
祀眷言伯父之賢協成宗祈預有顯助方譜均於忠術宜肆衍於徽  
章於載對天地之休敢不恭於履祀推骨肉之義敢不榮於至恩其  
懋壯猷以膺寵命可

皇伯宗旦復崇信軍節度使知大宗正事如故制

熙寧八年十月二十

門下法始於貴所以啟叙於羣臣恩展於親所以教叙於九族眷惟伯父右我王家方授俄以率官宜告廷而發號皇伯推誠保順功臣降授彰化軍節度觀祭留後光祿大夫檢校右散騎常侍持節涇州諸軍事涇州刺史兼御史大夫知大宗正事上柱國天水郡開國公食邑七千二百戶食實封二千五百戶宗旦誠忱莊厚肅哲粹和躬忠義不疲之資履壽齒尊之寵游分帥間沒衍并封隱若翰落外以承寧於方鎮端如圭表內以糾正於宗夫殊任尊之千珠錙典刑而疏服屬更肆音首用疏榮俾運西將之嚴載撫東隨之舊齋苑故在詒緯惟新於戲粲骨肉之恩式乎於朕志長富貴之守當慎於爾終徃肩寵光以永終譽可

皇伯祖承選特授依前檢校工部尚書充保大軍節度使加

食邑食實封餘如故

熙寧十年二月二日

門下帝克睦秩將以變黎民之和戎周尚親並以樂外侮之至永惟  
列聖之矩參用先王之模崇建宗枝收功於作扞之際付畀齊威厥  
難於未然之前肇臨頒命之辰播告在廷之聽皇伯祖勅武軍節度  
觀察留後金紫光祿大夫檢校工部尚書使持節延州諸軍事延州  
刺史兼御史大夫上柱國開國公曾色七千一百戶食實封二千六  
百戶承選苑閑而識遠體莊而用周衷術學以裕具心斥玩好以抗  
其志承賢王之後早聞善總之聲處留務之榮洎無負責之累終始  
一節周公十年宜旌拜於將壇用嚴莊於帥律既衍爰因之入又陪  
真戶之輸維嘉老成茲茂麗數於戲爵以德授寧資汗馬之勞國以  
宗強實積擁托之輔祇膺珠溼品懋壯猷可

皇伯宗理特授依前檢校右散騎常侍充昭化軍節度使加

食邑食實封餘如故制

熙寧十年  
二月二日

門下國家若稽先王統御重冕觀辟放之睦則廣救叙之仁念周京  
之強則崇屏翰之勢故能宴衍而德澤洽維持而平功成漢發至恩  
誕敷羣聽皇伯淮康軍節度觀察留後金紫光祿大夫檢校右散騎  
常侍使持節蔡州諸軍事蔡州刺史兼御史大夫上柱國天水郡開  
國公食邑四千五百戶食實封一千五百戶宋誼智慮廣故器懷開  
深樂詩書浩博之求斤與服侈靡之好遠事尤帝已政康平之榮張  
予冲人進膺剡務之拜信厚一節載革十周乃眷宣勞之多未加褒  
禮之渥宜園茂烈稽合陝文轉淮西之旌旗德漢陰之高鉞既衍爰  
田之入復陪真戶之翰併旣寵光庸示優異於戲禮重伯父蓋推宗  
屬之賢史美宗英實首多聞之學勉蹈前績以迪吉祥可

皇伯祖承祿特授依前檢校工部尚書充寧武軍節度使加  
食邑食實封散官勳封如故制

熙寧十年  
八月一日



門下教民睦者莫如宗族之愛安王室者必先形勢之強永惟五聖  
之撫若稽三代之制崇建屏翰付畀即託以析天下之術以成天下  
之化皇伯祖定武軍節度觀察留後全紫光祿大夫檢校工部尚書  
使持節定州諸軍事定州刺史兼御史大夫上柱國天水郡開國公  
食邑八千二百戶食實封二千七百戶承裕器懷閭曠業履粹孝  
爰自其性成道術得之學力越升留務屢易蔽陰有天屬之尊而處  
之不驕饗祿賜之重而守之以約籍列漢親之近望高秦邸之英宜  
進陟於帥壇俾夾隆於王業既衍爰因之入燕陪真食之封公族多  
賢固如麟趾之厚元戎對掌益茂棟宇之榮於戲戚而不見殊無以  
昭仁孝之美貴而不能降無以保爵祿之崇勉圖淑聲欽服休命可  
皇伯宗橫進封濮陽郡王制

熙寧十年  
九月甲戌

朕紹帝統緒思皇本支以仁展親益厚善藩之術以禮合族矧惟伯

父之賢尊之歆其同於家者之欲其異於國漢發大號明號廣朝皇  
伯推誠保順翊戴功臣彰德軍節度相州管内觀察處置等使開府  
儀同三司檢校尚書左僕射同中書門下平章事使持節相州諸軍  
事相州判史上柱國漢國公食邑六千八百戶食實封一千三百戶  
宗樸行履溫恭資函信厚聞天下之誼敏而多聞求河間之書慎以  
容過肅將金帛之重參視衮衣之華德譽彌光世寵宜結是用錫左  
貂之新服兼著隆名徽磐石之舊疆且班崇爵爰田茂衍真賦載加  
無封爾邦不顯予命於戲齒膝侯以長示無周後之盟約劉氏而王  
永有漢存之國其共乃位以服朕言可特授依前檢校尚書左僕射  
兼侍中使持節相州諸軍事相州刺史彰德軍節度相州管内觀察  
處置等使進封濮陽郡王加食邑七百戶食實封四百戶

皇伯宗樸拜使相封漢國公判

熙寧十年十月癸巳

周用宗而強邁麻之休乎於永漢以族為輔吳姓之勢不能陵朕躬  
大器之承憲前王之度思進褒於尊屬俾翼衛於王家揚於大廷詔  
爾羣聽皇伯昭化軍節度金州管内觀察處置等使金紫光祿大夫  
檢校右散騎常侍使持節金州諸軍事金州刺史兼御史大夫上柱  
國天水郡開國公食邑五千二百戶食實封一百一十七戶宗誼質粹  
而履順居安而節和自樂詩書之聞泊無富貴之習擁鳩城之戢已  
宣屏翰之勤考濮邸之藩益茂忠嘉之望宜膺寵數用榜師言進加  
上宰之章申錫陪京之壤有莘其佩視揆路之班載叙其祈侈元戎  
之貴衍之多邑益以真封澤雖甚蕃德亦惟楨於戲迨累聖之烈知  
親親之不可忘念賢王之勲知承承之不可忽勉圖永譽以迪多祥  
可特授檢校尚書左僕射同中書門下平章事使持節金州諸軍事  
金州刺史昭化軍節度金州管内觀察處置等使封濮國公加食邑

七百戶食贖封三百戶

皇伯宗暉淮康軍節度使漢國公制

元豐元年二月甲寅

聖海高親先王未之戎改折衝授戡天下所以久安春惟尊屬之賢  
蚤有皇支之譽其敦褒律以告治廷皇伯邕州管内觀察使金紫光  
祿大夫檢校右散騎常侍使持節邕州諸軍事邕州刺史兼御史大  
夫上柱國天水郡開國公食邑四十八百戶食贖封一千四百戶宗  
暉器宇闊深履尚方重詩書自樂慕漢邸宗英之聞孝友夙成有濮  
園天性之愛蔚隆而無負貴之累祿厚而懷約己之風陞拜康奉之  
崇益增公族之重是用疇庸躋筭辦域系圖付名部之整軍奉賢王  
之明祀維表及緇視上公之儀錫山與田壯元戎之奇勳陪真賦屬  
示寵章於成親親至恩非異數無以昭其意繼繼在德維嗣訓可以  
孚于休更恢遠猷以禱茂渥可特授依前檢校右散騎常侍使持節

蔡州諸軍事蔡州刺史兼御史大夫充淮康軍節度蔡州管內觀察  
處置等使封漢國公加食邑七百戶食實封二百戶

皇伯宗諤檢校司空移鎮進封豫章郡王制

元豐元年四月乙丑

為人主者廣骨肉之愛有天下者先形勢之強長為大而易託冠二  
等以疏將大衆通屬子告明廷皇伯推誠保德翊戴功臣集慶軍節  
度亳州管內觀察處置河隄等使開府儀同三司檢校尚書左僕射  
同中書門下平章事使持節亳州諸軍事行亳州刺史上柱國魏國  
公食邑九千一百戶食實封二千六百戶宗諤資厚體莊履和臨順  
避哉神靈之肖辰矣肅哲之風夙懋戎旃身愈隆而能降奉紆宰執  
位益高而不危齋飯未更瑞主既告其保宏父以帥南方且寶玉之  
分于周厥親者曰伯劄土疆之制於漢其大者淮王茂國爾能玉顯  
子命既陪教於邑賦復增密於邦祖茲惟隆名不曰異寵於我母獨

斯畏翰難在於大宋豈無它人伙莫如於同姓惟懋以蕃王室惟煥  
以承天休欽哉汝諧乞若朕訓可持授司空依前同中書門下平章  
事使持節都督洪州諸軍事行洪州刺史充鎮南軍節度洪州管内  
觀察處置等使進封豫章郡王加食邑七千戶食實封四百戶

皇伯宗暉拜使相制

元豐二年  
七月庚辰

朕若稽前王煥東列位親賢並建所以鍾本支內外相維所以壯形  
勢眷我伯父是惟宗英揚於大廷詔爾羣聽皇伯淮康軍節度蔡州  
管内觀察處置等使金紫光祿大夫檢校右散騎常侍使持節蔡州  
諸軍事蔡州刺史兼御史大夫上柱國濮國公食邑五千五百戶食  
實封一千六百戶宗暉謙恭而有常德沈靜而無流心樂閒詩書多  
聞義理處易佚之地而不以居養移其性懷易盈之氣而不以留貴  
歸於人好禮得東平之風慕賢踰江夏之美淮康仗節譽望著於蕃

宣濃國奉祠勤勞見於夙夜宜甄成德丕錫殊休進醜撥路之榮增  
視宰衡之峻救加多邑魚行真封庸務衆言併昭異數於戲惟禮義  
可以固重祿惟忠信可以保令名勉迪善猷益隆萬望可特授檢校  
尚書左僕射同中書門下平章事仗持節荊州諸軍事荊州刺史漢  
國公准康軍節度荊州管内觀察處置等使加食邑七百戶食實封  
三百戶

宋朝大詔令集卷第四十四

宗室四

封拜四

皇伯宗暉進封濮陽郡王制

元豐三年四月乙酉

門下仰惟聖考入守宗祧方隆正統之承尚抑本生之報繼志述事在我後人起義構恩昭乃先烈比嚴改拊之制底厚追崇之誠若時親賢實主禮典鳴頌大號乎告群工皇伯淮康軍節度蔡州管内觀察處置等使金紫光祿大夫檢校尚書左僕射同中書門下平章事持節蔡州諸軍事蔡州刺史上柱國濮國公食邑六千二百戶食實封一千九百戶宗暉寬惠秉衷懿恭率行望隆父屬履茂天支訓詩書而不懈於勤保祿位而不期於侈路車束馬擁節淮邇之嚴衮衣補業承宗濮國之重迨祠園之辰吉倡公族以協修襄事聿成孝心



彌篤是用進班五品增顯世封克綏前獻永奉常祀於戲疏爵錫福  
式推悖叙之仁謹度迪彞益勵靖恭之守往安警處懋對眷休可特  
授依前檢校尚書左僕射同中書門下平章事使持節蔡州諸軍事  
蔡州刺史淮康軍節度蔡州管内觀察處置等使進封濮陽郡王散  
官勳封如故主者施行

皇伯宗暉移鎮檢校司空加恩制

元豐

門下朕蒙遺休於先帝集景命於我家入居儲闈遂紹大統歲月如  
鶩寤寐不忘趨謁澗宮嗟物存而人遠顧瞻伯父歎年高而德修肆  
頒顯冊之文播告治朝之聽具官某智明而忘失器博而量少不修  
不矯泊無負責之累通志延順居有勩志之誠向應相紓之華已擁  
將托之重屬興懷於感慕如其數以策榮錫以山川光紹先王之禮  
易之旌誠增展外間之權視秩空土之榮申衍爰田之義以華邦族

以穆氏風於戲躬歿章陵之祠涕零何以還願魯侯之壽情實惻然  
蓋茂遠猷用承涇命

皇伯宗晟安化軍節度使加恩制

元豐

門下朕結承燕謀地稽古訓圖化未乂時則隆睦族之風折衝未萌  
時則嘉擁花之拜方進窺於尊屬倂夾輔於皇家誕布徽章具教羣  
聽具官某禔身謹修有德粹和系出神明之支學通儒術之博為善  
最樂蹈憲王之高風大雅不羣合河間之偉望適與懷於感慕宜錫  
命以褒優惟高舉之與巨寶東州之名部分以且茅之寄付之龍節  
之嚴併示寵章兼陪多邑以屏王室以糾宗支於戲成而不見珠無  
以著親親之意貴而不能降無以昭繼繼之休注服珠恩蓋茂成德  
皇叔宗綽建寧軍節度使加恩制

門下枝葉民蕃則異姓弱而不能間形勢強威則諸侯懼而不敢謀

春惟尊屬之英久修戚藩之警肆播舊典載訪近司旣揚麗章播告  
革碑具官某履和而至行敏而恭聞義理之多自得天資之厚奉法  
度之守不忘世執之備惟便鎮之居留蓋歲陰之屢易建女蕩壞南  
國奧巨錫之旌森之雜付以茅社之寄陪如多井中完至恩於戲崇  
大本支周邦降卜世之永推明道衍漢藩成後世之名往承其休茲  
茂牧德

皇叔宗德保信軍節度使加恩制

門下周用宗強獨高三代之麻漢以族輔外折諸侯之謀茲先王已  
試之遠猷而有國道循之大典方集懿屬誕布徽章具官某清明沖  
和博大博裕灌園流祉早膺世系之休文考尚親夙厚天倫之愛自  
居留務浸易歲華屬典感慕之懷宜極褒崇之典高幢巨戟壯端節  
於中軍元袞介圭錫苴茅於西屏陪之多井衍以真封於戲親而至

疎蓋王者強宗之道滿而不溢延威藩謹度之心往服訓言益茂成烈

皇叔宗琰漢東軍節度使加恩制

門下深根而弗敢傾周邦由之安治尋斧而無所託秦人所以孤睽朕若稽古先進循憲度思廣本支之輔以圖形勢之安乃眷近親鮮有嘉德肆頒顯冊孚告大廷具官某器懷閑深資識明茂序慶大宗之後揚徽屬籍之英庶親與尊蓋若東平之貴甚文而禮早晞術武之風濱漢之巨惟隨為大畀以樵苑之寄錫之胙上之封中衍井朕增華邦茲於載一人有慶史稱盛德之隆十載自全傳載寧侯之世往茂爾烈以輔我家

皇叔宗愈寧國軍節度使加恩制

門下王者建封親賢崇廣藩輔以恩陸枝為國重輕故辭辭角弓雅

以刺怨振振麟趾風以誅歌永惟冲人祇紹大業迄監已然之迹敢  
忘悖叙之恩進寵宋英肆頒顯冊具官某業履清簡范識高閑位不  
期驕早遠綺紈之習雷而好禮自全藩翰之風越居留務之華屢觀  
歲陰之易屬懷先烈增沛歲章惟華原之典區實西州之各部頌之  
瑞節錫以苴茅中衍上腴併昭異數於威勝漢園之館御慨慕無窮  
眷文考之天倫矜嗟何已往承涯命用迪多祥

皇伯宗暉加恩制

元豐六年郊

門下朕采長至之景緝葦裡之文躬執裸圭薦壺乎清廟夙駕齋輅  
升煙於紫壇維時近親相我熙事肆盼渙統教告治廷具官某性資  
粹純器識忠固被之袞冕進居上宰之班錫以山川光紹先王之履  
屬舉宗祈之祀預有顯相之勞方均布於靈登冥禱加於寵典陪之  
多邑衍以真封於戲制禁而必於郊蓋答昊天之神歸朕而受之福

其先伯父之賢益茂遠猷以承介祉

皇伯祖宗暉移充鎮南軍節度加恩制

元豐八年  
哲宗即位

門下膺國璣祚不放志總繼之難扞侮折衝莫若廣親親之輔永惟  
尊屬時謂宗英宜疇衛社之勤中錫告廷之命具官某識度粹稊才  
資濬明承慶濮園富貴無危溢之累被遇先帝爵祿有褒嘉之榮接  
物以謙禔身以約華表亦馮進聯上宰之班鶯拊瑯戈奄宅先王之  
國屬纂厥之伊始宜惇叙之有加是用易克邺陪輔之疆錫漳水鎮  
臨之節增隆多邑中衍真田以侈維藩以昭異教於戲紹封四履允  
惟世系之光同日五王疇若天倫之盛性承渥命益茂遠猷

皇伯宗晟移彰化軍節度開府加恩制

元豐八年  
哲宗即位

門下崇建本支所以成百世之業廣強藩輔所以維四海之安矧予  
沖人獲紹大統時惟尊屬茲曰賢王誕因訪落之辰中錫告廷之命

其官某謙虛而勁正清明而粹純汎沁漢園被遇先帝卓為屏翰之  
表載嚴莊靜之稱董我宗盟彌得治親之誼昨之東土允符樂善之  
誠初聽覽於政機益襲隆於邦族是用易以鉞旆之鎮進之將相之  
班增衍并朕偕教圭賦於我蒙休列聖荷神靈之傳歸錫美近親枝  
寶圖於嘉靖永綏厥位不其感歎

皇伯宗隱移保信軍節度開府檢校司空加恩制

同上

門下受命之君繼天而王雖禮有損益事殊質文至於崇建統親保  
安皇緒考之百世皆出一塗矧予冲人獲紹大統申襲宗戚字詒治  
朝具官某行愿而恭履和而至聞義理之學益求光大之知循法度  
之中獨逸紛華之習進提戎車之重遂疏王社之封適屬薰承理當  
尊顯是用按圖輿地易節大拜擁便鎮之鉞旆陟隆名於將相視秋  
空土衍食爰田於戲唐冊五王奕世之休乎於永漢啟九國異姓之

勢不能陵尚肩乃試以輔予治

皇伯祖宗攷移昭信軍節度開府儀同三司檢校司空判上  
門下朕欽膺顧命復嗣寶圖肆予冲人永思艱敢忘大下於乎皇考  
謹克孝務極丕承乃眷近支時謂尊屬稽用故常之典申嘉襲序之  
文揚於明廷詔爾列辟具官某德度粹稊才猷靖深溫溫恭人之基  
克克當世之業宅心知訓迪康叔之善謀大雅不羣負河間之偉望  
越自將才之罷進疏王社之封屬朕承述以仁睦授易俄旣於舊履  
陟將相之隆名視恢空土之崇衍食爰田之入於載休烈威美而歸  
之二后本周王之至懷折難成業而賴之諸侯亦漢家之遠御往拜  
嘉命以永淑聲

皇叔祖宗勝武恭軍節度使加恩制

同上

秦楚三代也則志同姓之封周監二王也則廣懿親之輔此前古之



已試而有邦之所稽矧惟冲人嗣膺大庥眷于尊勳嘗未宗藩其教  
顯冊之文以告治廷之聽具官某氣和而功行慤而恭博通義理之  
方洞達國家之體迺志順早揚樂善之稱不溢不危泊無負貴之  
累越留使邨屢易歲陰維繼序之云初宜疏恩之等加沂峽而過惟  
然為雄揚之瑞節之華寵以元戎之寄中加多并增衍真封考于舊  
章時曰異數於載振振信厚有如麟趾之時粹粹光明相望棟革之  
或往承休命益茂遠猷

皇叔祖宗綽改保靜軍節度使開府儀同三司檢校司空加

恩制同上

門下朕以狀躬奉承大統循五聖之成憲稽百王之舊章封建親賢  
廣強藩屏以修本支之勢以固磐維之安其敦渙恩以詔列辟具官  
某性資純厚器識淹通河間雅材久擅漢藩之譽銜叔駟行允為周

翰之良自中錫於將牙益夫隆於王室先帝感慕特疏裂壤之封沖  
人繼承敢忘尚親之典易以鉞旄之寄陞之將相之班行食爰田視  
秩空土於戲行純茂而不顧異何以示人守富貴而不戢悅無以謹  
度服我嘉命益茂遠猷

宋朝大詔令集卷第四十四

宋朝大詔令集卷第四十五

宗室五

封拜五

皇叔祖宗祐寧遠軍節度使加恩制

元豐八年同上

門下朕獲膺駁命肇臨庶邦銜卹宅宗惕循於祖烈折難成業嘗賴於宗英方申進律之文宜布告廷之琬具官某才資茂美德度曠夷承慶濮園允迪休明之緒被遇先帝文膺慈輔之勤自使卹之居留闕蔽陰之流邁屬承祀之伊使宜錫命以有加陟以齊壇肆嚴外闕之望華之金俄增固維城之安陪益爰田衍加真賦於戲無獨斯畏蓋載風人之所譏懷德惟寧茲本先王之遠憲益思遠懋以對寵光

皇叔祖宗愈移昭化軍節度開府儀同三司判

同上

門下朕承祖宗之休履王公之上訪予落止敢忘負荷之難肆其靖

之賢賴藩維之勢暮言尊屬蓋出近支宜疇厥勞申錫褒律具官某  
智明而意美林敏而量夷將隆而待之以謙祿豐而守之以約時疆  
維翰已賴將聞之雄事發感懷進啓王封之重屬紹承於皇極首褒  
序於慈親是用易以鉞范陞之將相兼陪多井增衍真祖以應國之  
大章以迪古之遺法於戲惟樂道可以正身倏意惟建親可以禦侮  
折衝徃其欽哉服我休命

皇叔祖宗楚建武軍節度使加恩制

元豐八年同

門下朕蒙休先帝錫美我家欽賢命之承奉親於庶政沛大澤之博  
偏登於皇支宜渙徽章以字羣聽具官某材資敏茂識度曠夷越承  
濮邸之休寢被先朝之遇優游學海蓋窮義理之聞表率宗藩斥遠  
驕華之習自居留務屢易歲陰肆朕承祧以時叙族是用應近古之  
法按輿地之圖就頒齋戒之雄牲總九戎之寄申陪多井併示殊私

於戲周建本支史氏書其過歷漢製疆土議臣諭之雋金龍迪壯猷  
各揚休命

皇伯祖宗最加恩制

元祐元年  
明堂

門下朕承季秋之序詳告禮之文肇祀昊穹陟配文考神款如荅嘏  
告厥祥維時近親翼我大事肆頒寵典敷告治朝具官某德度粹夷  
材資茂敏襲世緒而能濟其美處勢榮而益持以謙越自董正宗盟  
進膺封爵考閱義理有古賢王之風悖叙本支為時懿戚之冠屬奉  
宗祈之典實多顯相之勞既齋明以陪真館之祠又陟降以贊合宮  
之薦申加異數增衍本封於戲德厚者流光禮感者文綽執圭幣以  
事上帝茲曰鉅儀歸朕膺以友諸侯敢志尊屬注應介福益保隆名

皇伯祖宗暉加恩制

元祐元年  
明堂

門下朕祗遵舊章肇稱吉禮以承天者祭之所重故躬三歲之祠嚴

父者孝之所先故度九筵之制蓋禮行而精意達恩厚而多枯疎方  
棄庶位之勞宜首懿親之獎其官某德性莊重才猷靖深錫山與田  
奄紹先王之國維家及鑄進華上宰之章屬此宗祈相於鉅典陪薦  
蓬於真館參獻榮於合宮宜疇厥勞多錫之邑以強屏翰以范宗支  
於載逆三神之聲茲實太平之盛歌大雅之詠敢忘尊屬之賢往協  
榮懷益思勵翼

皇叔祖宗楚加恩制

元祐九年  
明堂

門下朕躬執珪幣祇見帝親揚然獲霜敢忽忘於前烈沛然下澤恩  
蒙被於東方惟時近親翼我大祀宜頒惠術以詔羣倫具官某國之  
懿親朕之尊屬維屏維翰無慚宗子之詩不溢不危能謹諸侯之度  
自擁旄於南國遂凱舞於祁山屬休為龜之誠實賴率璋之助多揚  
之邑用疇厥勞於載格三神之歡方獲成於鉅典均四海之澤宜褒

厚於宗藩往承之休益輔予治

皇叔祖宗綽加恩制

元祐元年明堂

門下朕肇稱元祀躬享繼章嚴父配天將以答三靈之祝因親救變所以形四國之風延眷宗藩實陪熙事宜頒乎號播告治朝具官某  
冠度閔深業履端重承慶大宗之後揚徽屬籍之間英祖御邦最厚  
天倫之愛先皇睦族並膺王爵之封位隆而將之以恭祿厚而守之  
以約屬修宗祀之典實相我將之功宜厚褒嘉用昭惇序併食大部  
之賦兼陪真邑之封以侈蕃釐以彰異數於戲帝親兼饗大虞禮樂  
之未明賢戚並隆賢賴本支之為輔益有惠順往承麗靈

皇叔祖宗祐加恩制

元祐元年明堂

門下朕紹膺洪緒祚邁先猷惟至神無方非宗祀無以明其報惟真  
德在上非昭報無以極其誠涓選肅霜之辰躬修大饗之禮肆頒寵

典首登聽親具官某性慤而和材明而敏保寵無驕溢之累造行有  
忠嘉之稱屏翰王家擁南邦之旄戟帥循侯度跋洛邑之山川逮此  
休成寶賚顯相方均敷於惠術宜褒進於寵名增厚宗盟陪敷并賦  
於戲神靈享而萬物輯豈朕敢專本支強而百世寧遲爾為輔嘉樂  
厥福永孚于休

皇叔祖宗璠加恩制

元祐元年  
明堂

門下朕祇用舊章躬修宗祀執圭辰米所以拜上帝之休侑食致嚴  
所以儀昭考之烈孝奏而精意運靈游而多祐臻乃眷宗藩宜膺異  
數具官某體和履順經哲秉彝傳求義理之聞獨遠紛華之習持循  
侯度協麟趾之振振屏翰王家明棣華之韡韡屬消剛日來對上儀  
恭駕約軼來承大糈方肆均於靈祀宜進被於寵章申衍爰田增陪  
真賦於戲四海各來助祭百官肅然薰心接神者既竭於精誠睦族



者敢忘於惠術往承休命益茂狂猷

皇叔禮宗隱加恩制

門下朕制六經之制躬三歲之祠莫常琳宮將以迎至神之既執圭  
陽館所以企上帝之臨奉承閑休教錫庶位肆頒明命先獎近親具  
官某屏翰之賢宗戚之望推託帥路常折難於未然受冊王家益協  
恭而不懈寵榮滋至謙恣漫聞屬禱百王之文躬修几室之祀迄由  
顯相用承思戒衍食爰田陪輸真戶於茲禮樂明備以遂三神之登  
枝葉扶疎茲為萬世之業往膺異數永介多祥

皇叔祖宗愈加恩制

元祐元年  
明堂

門下孝莫大於嚴父惟至誠可以格神禮莫重於配天惟威德為能  
侑食朕荷孫謀之燕翼緝鉅典以成休養惟尊屬之賢時為戚藩之  
表咸預齊祓宜均福休具官某器宇曠夷性懷信厚日惟義理之學

君有志孝之聞循法度以養其心無驕侈以易其介被濮園之變干  
蒙枝葉之榮欣華原之封益致盤維之輔方奉駢犧之享進陪振鷲  
之班均錫蕃蔭階數多并於載禮或昔儀緝本大者末闕誰其配之  
是為烈考於榜不已無愧文王往承之休益揚厥問

皇伯祖前彰化節度判大宗正事宗晟起復制

門下曾聞之哀喪不貳事漢唐之舊禮有奪情矧予蕩屏之親實兼  
臣子之重雖閨門以恩掩義而公侯以國為家伯臣司宗職不可曠  
要經服事古有成言非予爾私其聽朕命皇伯祖前彰化軍節度涇  
州管内觀察處置等檢校司空開府儀同三司待節涇州諸軍事使  
涇州刺史判大宗正事上柱國高密郡王食邑七十八百戶食實封  
一千四百戶宗晟天資純茂德履方嚴龍跡應於祖宗蹈格言於師  
保典司屬藉克有令名邠客卒業於浮邱辟疆受知於高帝允隆厥

位無愧昔人屬此閔凶累然致齊嗟日月之愈邁重職業之久虛且  
復罷名式從權制於戲出居官次非王事不該退適倚廡訪喪祭之  
禮則忠孝兩得人無閒言功名益隆親有顯譽冠服朕訓光昭前所  
可特復起

皇伯祖宗暉加恩制

門下宗祀配天所以教諸侯之孝加地進律所以廣上帝之恩矧維  
天屬之尊世奉濮園之享相于肆祀綏我思成躬率父兄之和以致  
天人之應用教大統昭告治朝皇伯祖鎮南軍節度洪州管内觀察  
處置等使檢校司徒開府儀同三司持節都督洪州諸軍事洪州刺  
史上柱國嗣濮王食邑二萬一千一百戶食實封三十七百戶宗暉  
爵封世王名冠屬籍貴而能降富而不驕孝悌肅恭率本天姿之懿  
威儀則學奉承師訓之良同我繁齋獻於饋熟進退知於禮節升降

比於崇章遠此休成宜均多福益衍舊封之廣仍加真食之優於載  
承安懿之後思繼前人之令猷兼將相之隆勉圖夾輔之休烈茲因  
受壽之寵益起徬墻之慕庶無間然克有終譽可特授依前檢校司  
徒開府儀同三司持節都督洪州諸軍事洪州刺史嗣漢王克鎮南  
軍節度洪州管内觀察處置等使加食邑一千戶實封三百戶勳如  
故

宋朝大詔令集卷第四十六

宗室六

封拜六

皇叔祖宗祐加恩制

門下朕出款原廟之嚴入謁總章之祕師臣外帥多予以靖吾國宗  
卿內帥諸父以正吾家親賢既和天人咸若膺受多福施及四方矧  
惟族屬之尊宜有寵光之異皇叔祖寧遠軍節度容州管内觀察處  
置等使持節容州諸軍事容州刺史上柱國單國公食邑五十八百  
戶食實封一千六百戶宗祐耻為富貴之習動由禮義之中祇順父  
兄親近師友肅若闔門之治穆然朝謁之容東旄俄而四方之志行  
錫茅土而諸侯之禮備遠鎮容管近殿洛師處之苦無久而益慎曼  
推大賚之澤益彰有德之榮增衍故封懋錫真食於戲考之晉人則

安平之於武帝求之唐室則元嘉之於高宗皆以德重屬高恩隆禮  
異往祇服於明命思無愧於古人可特授依前持節容州諸軍事容  
州刺史鞏國公充寧遠軍節度容州管内觀察處置等使加食邑七  
百戶食實封二百戶如故

皇叔祖宗楚加恩制

元祐四年  
宗祀

門下漢封同姓之國勢遂疎於本朝唐任宗室之隆用每離於他族  
祖宗酌古今之典薦兄弟之親雖極茅土之封常居朝謁之地春禮  
特異前世莫倫皇叔祖建武軍節度邕州管内觀察處置等使持節  
邕州諸軍事邕州刺史上柱國鄒國公食邑五千八百戶食實封一  
千六百戶宗楚孝友根心文藝飾性居處恭故不聞過行室家理故  
可以蒞官師保不煩朋友稱信乃者顯相原廟之祀齋宿總章之廷  
祇假無言質明成禮頌惟大壽之澤宜處羣臣之先益衍故封陪敦

其食於戲宗祀之典所以教孝於諸侯賜胙之恩所以均福於上帝  
城觀禮以知義尚修身而保終秩服罷光永有然舉可特授依前持  
節邕州諸軍事邕州刺史鄒國公克建武軍節度使邕州管内觀察  
處置等使加食邑七百戶食實封二百戶勳如故

皇叔祖建雄留後宗景建節判

元祐七年十月乙卯

門下敕叔九族之親虞朝所以勵翼大封同姓之國周室所以威強  
迭觀屏翰之謀必重本支之正用修顯命教告治廷皇叔祖建雄軍  
節度觀察留後持節晉州諸軍事晉州刺史同知大宗正事上柱國  
天水郡開國公食邑六千三百戶食實封一千八百戶宗景度恃有  
容心莊元畏守爵以謙而無驕貴之累享祿以約而無侈富之非儀  
刑公族之志左右時雍之睦更聞天下之理善推門內之恩眷惟近  
屬之尊宜昭樂善之勸乃置常遠之典特施優拜之榮總感德之全

師易平陽之留務雖專持於齋戒復佐於宗藩衍食并封侯居將  
閭駢蕃異教烜赫隆名於戲寵至者位危官久者任賢惟始卒一操  
可以居寵惟夙夜一慮可以宿官欽服茂恩以永終譽可持授特節  
權州諸軍事權州刺史同知大宋正事充感德軍節度權州管内觀  
察處置等使加食邑五百戶食實封二百戶勲如故

皇伯祖宗晟特授檢校司徒依前開府儀同三司判大宋正  
司事充武安軍節度使進封嗣濮王加食邑食實封勲如故  
門下直杜受封所以大戚藩之形勢加地進律所以帥侈閭之光華  
况於葉爵王家典祀園廟宜褒施於異數以教告於大廷皇伯祖彰  
化軍節度涇州管内觀察處置等使檢校司空開府儀同三司持節  
涇州諸軍事涇州刺史判大宋正事上柱國高密郡王食邑八十八  
百戶食實封二千七百戶宗晟誠忱自將業履無爽喬於神明之冑



躬有肅乂之資循法度之守而靡愆於中聞義理之多而能識其要  
地兼將相而不忘於謙挹富有榮祿而無踰於驕奢選諸近屬之尊  
董我大宗之秩靖恭厥位治禪有聞顧祇奉於烝嘗蓋推先於肺腑  
非之以先王之賜履寵之以平楚之中權視秩上公增陪真賦豈惟  
丕承文祖之道志抑以率循烈考之舊章於戲繼世象賢既蒙休於  
餘澤追養致敬當盡志於孝思益圖令名尚介多祉可

皇叔祖宗景特授檢校司空持節曹州諸軍事曹州刺史同  
知大宗正事充彰信軍節度曹州管内觀察處置等使加食

邑食實封勳如故制

紹聖元年十一月十四日壬午

門下朕嗣膺駿命祇遵先猷糾合懿親所以成信厚之化推亲近屬  
所以疇平表之勞乃眷宗英特頒異數夙涓良日教告治廷具官某  
德度恭克才猷博大出神明之宵裔而躬履臨於謙和保公侯之世

家而不歸盈於富貴端莊朝政雖寒暑以度脩廟謹官常格親疏而無間惟爾公秩統于大宗悖叙訓齊板宏規於文祖選掄委遇被隆眷於先朝終始十春瞻恭爾志願旌勤舊誕舉典章俾加拜於上公益內達於巨鎮陪敦并賦行食真封併示顯膺式昭體貌於載如地進律非以私親崇侮折衡是惟報國為循制節永底壽康惟時老成無待多訓可

皇叔祖宗愈特授檢校司徒依前開府儀同三司充鎮安軍

節度陳州管内觀察處置等使進封嗣濮王加食邑食實封

勅如故制

咸平二年四月六日

門下唐元睦族用於變於時雍周室大封以填臨於天下眷惟近屬世襲真封祇遵先猷偏遠諸子乃涓吉日播告大廷皇叔祖寧國軍節度宣州管内觀察處置等使檢校司空開府儀同三司持節宣州

諸軍事宣州刺史上柱國華原郡王食邑九千八百戶食實封三千戶宗愈肅又不死溫良有裕生高明之胄系而弗汰於貴驕蹈德性之中和亦動遵於法守惟卽園而建廟本繼世以象賢紀念懿親典司祀事非止次升之有序亦惟德選之允諧用是崇進上公徒臨近鎮陪敦真食增行戶封於戲相樂土於楚郊視官聯於政路膺茲儀物屬我親賢勉致力於奉承諒弗煩於訓誡可

皇叔祖宗楚持校檢校司空克武勝軍節度使加食邑實封

勳如故制

紹聖二年四月二十二日

門下朕繼紹玉圖昌隆成業外崇恭獻內睦懿親積日累勞加地進律率循太卜教告治廷具官某寬靜毅和慈良肅怡繁賢王之華胄則居貴而不流守維城之善藩則處位而彌恪肅從宸贊淹歷華歲罔臨尤違益彰冲挹雖晴菽之守無寒暑燥濕之移而褒崇之科有

親賢德函之稱是用視秩空土徙節南陽衍食爰田陪敦真賦併為  
異教且體茂恩於戲無忝所生以蹈聖經之誠秉德陪朕益隆總世  
之休可

皇叔祖宗祐特授檢校司空充橫海軍節度使加食邑食實  
封勳如故制

門下朕尊祖敬宗右賢左戚其褒崇於近屬志備用於至公圖惟積  
勞稽參陟典消茲良日告爾在廷具官某體備中和才膺肅乂出神  
明之胄而躬愷悌之資襲王公之封而寡沉宕之過冲靖無懈寬裕  
自持擁髦節者十年守恭寬之一德居勤為善之樂動符闡理之多  
是用視秩上公使臨近鎮益敦井賦陪衍真封服我殊恩併為異數  
於戲親賢並建國家所以休明富貴不驕杜授所以長久矧我成德  
無待訓詞可

皇叔祖宗景特授依前檢校司空開府儀同三司判大宗正  
事充彰信軍節度使持封濟陰郡王加食邑食實封勳如故

制 紹聖二年  
八月口日

門下金印盤綬冠三事之崇階渠門赤旗開百里之成國道齊盛典  
時屬親賢涓日之良揚廷以告皇叔祖宗彰信軍節度曹州管内觀察  
處置等使檢校司空持節曹州諸軍事曹州刺史知大宗正事上柱  
國天水郡開國公食邑八千戶食實封二千四百戶宗景謙虛敦大  
寬裕靜莊襲慶善於高門而無克訕之過總訓齊於屬藉而躬表率  
之勞既法立於閭闈宜職修於國族睦是懿戚迄無間言驕其宿官  
已更進律崇於專任益懋寵光是用超二等以疏封憲萬邦而作弼  
敦陪并賦衍食真封於戲德爵之高既莫尊於近屬將相之重益益  
壯於宗蕃祇率履祥愈隆受祿願惟成德無待訓詞可

皇叔祖宗禛特授檢校司徒依前開府儀同三司持節孟州  
諸軍事充河陽三城節度使進封嗣濮王加食邑實封勳食  
如故制聖二年九  
月己亥襲封

門下朕祇適先猷務敦孝治本篤親而重祀肆進律以疏封襲乃故  
邦用推崇於烈祖適逮諸子考成典於先朝茂建宗英誕敷優策洎  
茲吉日告於治廷皇叔祖保靜軍節度宿州管内觀察處置河堤等  
使檢校司空開府儀同三司持節宿州諸軍事宿州刺史上柱國建  
安郡王食邑八千八百戶食實封二千四百戶宗綽性守中和天資明  
晤恪從實贊循法度以無違陪輔藩室兼謙恭而有裕緊園廟之建  
嗣用天倫以次升惟我賢王益詩與議是用大荒賜履褒進上公增  
衍戶封數陪真食於戲分茅且土修宗子之大封繼世家賢修先王  
之常祀益祇乃事無於於盈可

皇叔祖宗祐加恩制

紹聖二年九月明堂

門下朕躬執珪幣並饗帝親式德莫愆其膺祖賚之福在宗載考肆有褒嘉之恩播告迨朝咸聽朕命皇叔祖橫海軍節度滄州管内觀察處置等使檢校司空持節滄州諸軍事滄州刺史上柱國莘國公食邑七千七百戶食實封二千二百戶宗祐齊莊自表信厚不渝出神明之胄而無佞貴之心兼爵德之尊而有勞謙之聞並受帝祔克蕃王家屬類奉殊之祀以承祀事眷言授城之將乃在宗盟遠比宗成中之寵獎用酬多邑增衍本封於戲不溢不危所以謹諸侯之度乃順乃惠所以觀前人之光佐哉惟休是以有譽可

宋朝大詔令集卷第四十六

宋朝大詔令集卷第四十七

宗室七

封拜七

皇叔祖宗綽加恩制

紹聖二年九月明堂

門下朕順考典章肅恭明祀益紹隆於先軌重祇恪於孝思躬即合宮通昭嚴父禮成獻饗澤被臣工指告在廷教揚成命皇叔祖河陽三城節度孟州管內觀察處置河堤等使檢校司徒開府儀同三司持節孟州諸軍事孟州刺史上柱國嗣濮王食邑九千五百戶食實封二千七百戶宗綽秉德純厚賦性強明蚤緣近屬以殿藩重繫世封而奉祀富而好禮居無克誑之尤恭而不驕雅有中和之守是為茂器見譽戚藩方慶澤之流行宜親賢之守及增衍戶賦進食真封益壯戎昭用嚴藩衛於載本支並茂見帝室之蕃昌鄂州相輝猷三



門之襲慶益祇寵渥永底壽康可

皇叔祖宗景加恩制 同上

門下朕祇奉寶圖肅恭盛祀消選教旦展成禮於合宮昭格明靈俯  
履親於上帝忱恂旁達既施下臨惟時湛恩用先近屬教揚大統布  
告治廷皇叔祖彰信軍節度曹州管内觀察處置等使檢校司空開  
府儀同三司持節曹州諸軍事曹州刺史判大宗正事上柱國濟陰  
郡王食邑八千五百戶食實封二千六百戶宗景瓌璋宏材中和德  
性動惟絜矩宣義問於宗支率以教和文訓齊於公姓奉祠惟恪嚴  
事有勞方茲慶澤之流矧在親賢之右進陪戶賦衍食真封事雖考  
於異章情益隆於異數於載位望之重固素履之不渝祉福之多宜  
明神之所相益期康靖永翊丕平可

皇叔祖宗楚加恩制

紹聖二年九月  
二十四日 同上

門下言禮之屬惟庶祀以居先嚴父之文亦配天而為大朕通達先  
典躬造德章或禮告成慶賜交舉顧茲進律首及近藩布告治廷教  
揚大猷皇叔祖武勝軍節度鄧州管内觀察處置等使檢校司空持  
節鄧州諸軍事鄧州刺史上柱國鄧國公食邑七千七百戶食實封  
二千二百戶宗楚珪璋美質杞梓成材分支派於天潢壯藩宣於王  
室臨履貴戚而弗至於允違躬行謙勤而益敦於孝悌謹爾侯度為  
時宗英方茲渙汗之行宜在晉康之典載疇并賦增衍真封於戲萬  
親之恩不論於攝代崇貴之義亦在於戒盈順保福隆益隆壽祀可  
皇叔祖宗楚除開府儀同三司進封南陽郡王制紹聖三年  
二月壬午

門下朕若昔大猷紹隆丕構自我烈祖入承累聖之基肆其先王克  
有分濩之社載考大宗之籍未如諸子之封義所當隆恩宜有稱其  
孚大號以詔庶官皇叔祖武勝軍節度鄧州管内觀察處置等使檢

校司空郟國公食邑八千四百戶食實封二千四百戶宗楚信厚積  
中得莊地已年彌高而有柔嘉之則屬最近而無光訕之心已秉節  
於將壇未徹雖於王土稽用屏周之義申加輔漢之藩荒南陽之大  
邦即武勝之舊履有莘上公之象有淑元戎之旂敦厥井封班之宰  
席蓋師言之我錫非朕志之汝私於戲惟修身則可以觀前人之光  
惟制節則可以謹諸侯之度性服朕命永孚于休可特授依前檢校  
司空開府儀同三司持節鄆州諸軍事鄆州刺史克武勝軍節度鄆  
州管内觀察處置等使進封南陽郡王加食邑五百戶食實封二百  
戶

皇叔祖宗祐除開府儀同三司封景城郡王制

同上

門下有天下者得盡其貴貴之鬼立人道者必致其親親之義考大  
宗之近戚眷烈祖之同生咨爾庶官申聽朕命皇叔祖橫海軍節度

滄州管內觀察處置等使檢校司空畢國公食邑八千四百戶食首  
封二千四百戶宗祐修身時敏作德日休服大雅之不羣知為善之  
最樂保壽祿之貴而不溢出神明之宵而不驕屬近而行尊年高而  
德即已備登壇之拜未加裂土之封蓋將何以對前人之休亦非所  
以厚同姓之孚因其舊履錫以命書衣衣繡裳班於上宰苴茅社土  
王此大邦於戲崇德象賢所以固宗盟制節謹度所以蕃王室往綏  
厥位尚遠乃猷可特授依前檢校司空開府儀同三司持節滄州諸  
軍事滄州刺史充橫海軍節度滄州管內觀察處置等使進封景城  
郡王加食邑五百戶食實封二百戶

皇叔祖宗楚封嗣濮王制

紹聖三年  
二月乙亥

廣因心之教者莫大於親親善述人之事者莫大於繼繼昔我文祖  
嘗推本於所生肆子冲人其克綏於厥後申加明命播告治朝皇叔

祖武勝軍節度鄂州管内觀察處判等使檢校司空開府儀同三司  
南陽郡王食邑八千九百戶食實封二千六百戶宗楚履順居謙東  
猷迪吉身修而多義理之閎屬近而有法度之備是皆公族之宮建  
邦而啓上庠紹太宗之裔繼世以象賢徽以武昌之疆賜之濮國之  
履參官將相列爵公王為龍為光率舊章於昭考我將我享承祀事  
於先王於戲惟祇乃心所以不期於驕惟慎厥終所以長守於貴庶  
有解於永世以無忝於前人可特授司校司徒依前開府儀同三司  
持節鄂州諸軍事鄂州刺史充武昌軍節度鄂州管内觀察處置等  
使進封嗣濮王加食邑七百戶食實封三百戶仍令所司擇日備禮  
冊命

皇叔祖宗祐除檢校司徒依前開府儀同三司充清海軍節  
度使進封嗣濮王加食邑實封如故制

紹聖四年八月二十四日

門下朕荷上穹之眷承累聖之基表正萬邦悖叔九族自予皇祖入嗣統於大宗肆爾先王肇建邦於有濮偏遠諸子厥惟殊恩載諏象德之賢誕布賜廷之命皇叔祖橫海軍節度滄州管内觀察處置等使檢校司空開府儀同三司持節滄州諸軍事滄州刺史上柱國景城郡王食邑八千九百戶食實封二千六百戶宗祐溫仁而寡過夷粹而宥容行克謹而惟禮樂之修年彌高而多義理之聞光輝屬籍誰並宗英之遊儀表戚藩久隆書俊之望俾裝封於大國爰視秩於上公遂荒南海之圻盡賜先君之履馳鉅監綬禮極真王之崇豹尾神旗任總元戎之重中衍爰田之賦陪教真食之翰萃是罷章發為渙渥以懋昭於乃德用焜燿于而家非朕汝私寶國舊典於戲無念爾祖繼恭靖之後而彌昌遠配前人奉安懿之祠而勿替尚有慶於茂對龍光可

皇叔祖宗漢特授開府儀同三司光昭化軍節度使改封安  
康郡王加食邑食實封如故制

門下夫克明其德克睦族而變時難慎修其身舜悖宗而明勵翼蓋  
正其家者必先諸己篤其愛者必始於親朕眷禮庶工推先同姓永  
惟安懿之後實嗣漢陽之封統馬諸孤存者無幾矧家聯於宗屬獨  
未建於高牙載惻予懷肆頒顯命皇叔祖保寧軍節度觀察留後持  
節婺州諸軍事婺州刺史上柱國東陽郡王食邑四千戶食實封一  
千戶宗漢溫恭而迪德莊重而秉彝為宗室之表儀聞天下之義理  
本支孫子系神明之胄而無驕室家君王席富貴之資而不溫爰疇  
碩望申揚殊榮越從留務之崇璫拜元戎之重班於家弼秩以真王  
衍食數封加地進律並推渥洽增煥麗光以慰文考優異近族之心  
以稱沖人追崇先烈之意是循彝訓允務師言於載若石之宗子弟

育犬牙之地闕睢之應公諫如麟趾之時尚地令猷永綏吉祿可

皇叔祖宗景持檢校司空復開府儀同三司濟陰郡王勳食邑食實封如故制

門下立受惟親者所以睦族宥過無大者所以廣恩惟時宗藩久罹  
邦憲錫以寵命揚于治廷皇叔祖彰信軍節度管内觀察處置等使  
檢校司空持節曹州諸軍事曹州刺史上柱國濟陰郡王食邑九千  
五百戶食實封二千九百戶宋景履富貴之資出神明之胄頃偶逢  
於禮分遂自習於簡書幾年於茲在法當叙嘉乃省循之行用申敦  
睦之情金鉞齋莩仍昇料牙之舊繡囊赤器復參公家之華蓋將榮  
骨肉之恩庶以厚枝葉之茂於茲親親者義必盡法有三宥之恩首  
者禮必隆恩無一著之廢任共爾位尚慎厥終可

皇叔祖宗漢持檢校司空依前開府儀同三司元彰德軍



節度使進封朔漢王加食邑食實封如故制

門下夫建邦啓土國家所以廣親親之仁崇德象賢先王所以終繼  
總之義克紹大宗之裔若時尊屬之良我有洪恩播於羣德皇叔祖  
昭化軍節度金州管内觀察處置界使開府儀同三司持節金州諸  
軍事金州刺史上柱國安康郡王食邑四千五百戶食實封一千二  
百戶宗漢抱疏通之識躬膚敏之才席貴富而惟圖書之哀居戚近  
而遠綺紈之習昔在文祖寔隆李弟之懷逮於先朝尤嘉諸父之教  
屬有建莩之祥越躋開府之崇方且祇奉寢園虔共時祀宜極褒嘉  
之典以申優異心之其仍上將之班遂賜光君之履徹口濮上換節  
相臺俾襲慶於王家復參華於台路陪之真食衍以多田任并服於  
寵光庶克修於績享於戲遍逮諸子朕惟遵貽考之模保故有封爾  
尚萬前人之烈勉綏燕譽益懋誠勤可

宋朝大詔令集卷第四十七

宋朝大詔令集卷四十二